

公

餘

集

公餘集卷八

竹軒劉秉恬著

七月朔日 龍神祠拈香

眼看池沼有殘荷月朔拈香忽七過深感今年
霑早雨共欣到處插秋禾小山曲折饒生
意綠水潺湲入大河

祠內有假山活水

惟禱

神靈長默護豐登歲々賜民和

白蓮花用東坡白牡丹韻

城西菑菑花千萬落照殘霞色
染丹那似玉盤開一朶
窈宜月下倚欄干

題堂前紫薇花

昔年本是紫薇郎

余初官中書舍人

此日紫薇放滿

堂人見花開如舊識
花逢人面在他鄉
自朝至暮容無異
從夏徂秋日倍長
心憶紫薇朝聖主
南山詠奉紫霞觴

題盆植桃樹成實

誰將千載實種在一盆中粒々迎秋熟團々
暈色紅財成真有道灌溉豈無功曷倩如知
此瑤池說更窮

答曹定軒學使原韻

夏日炎々晝正長芙蓉幾朵發清香貯盤我
愧無佳饌擊鉢君應有智囊坐客風懷原鮑
謝題詩筆力繼班揚清樽對舉成嘉會所貴
當前急就章

七夕詞二首

一雨迎宵為洗車

初六日夜雨移時

曉來碧漢淨無

瑕雙星今夕河邊遇不藉燈華有月華

盤中酒果雜花瓜乞巧癡兒意頗賒空對雙
星陳宓訴金梭曾見落誰家

晉傳郭子儀從軍沙塞間將至銀州數
里駐宿既夜忽見空中輶車繡幄中
有一美女自天而下子儀拜祝云今

日七夕當是織女降臨賜福女笑曰
大富貴亦壽考言訖昇天今於七夕
日偶詠其事

忽見祥雲降遠空
輶車繡幄耀堂中
冠裳縹緲天孫女
甲冑鮮明郭令公
為賜門庭多吉慶
還教福壽保初終
相傳簡策成佳話
今日今宵可與同

蘋果

蘋果向聞生北土今看嘉植在南疆春華忽
已成秋實適口還欣可飽腸質熟甘推仙杏
早味香遠比谷梨強湯云此果非南品佛果
由來產佛鄉向傳滇中有佛出身處佛光常
來照臨故花中有優曇花一種

戲題蘋果

花紅變作老頻婆北土之蘋果即花紅一種
之變也一名頻婆夜置枕
邊有香粉面塗紅醉臉酡無事簪花增豔冶
氣靜人

夜深香氣枕邊多

季夏藩署稽核庫貯事畢同人即於紫

霞書屋小集

到此承宣忽二年

到營亭方伯又逢盛放紫微

天度支有道俱無欠督率攸宜忠入編聊藉

笙歌聯友誼豈因杯酒致流連仰惟

聖德籌無著

定例虧缺錢糧至二千兩以上其法甚嚴恩旨準將各屬

舊日積欠予期自

皇仁也

大法小廉勉自全

季夏永觀察署中稽核糧儲

炎々夏日正當陽書屋三間樹蔭涼淨几明
窓饒雅趣盆蘭瓶菊自芬芳時豐下可籌餘
食穀熟官宜貯滿糧整頓精神勤補綴鳳毛
振起庶兒郎

永觀察年過五十近得一子甫五歲魁宇不凡故云

郊外勸農口占四首

新禾夾道翠雲濃今日郊行為勸農分付前
驅休足捷輕鞭緩轡任從容

彩棚近倚廟門斜，新折松茅徧地遮。
稍待行當分酒食，兒童依次莫諠譁。

妙應禪林暫坐茶，閒看古翫亦堪誇。
僧言我是江南客，四十年前早出家。

僧素喜陳設古
玩自言係紹興

人來此出家已
四十年矣

遙見山頭雨意來，整齊小隊急須回。
所希膏澤長調順，秋穀登場似阜堆。

白蓮花

出水絕塵埃亭、素藥開玲瓏雕玉巧潔白
展纖裁味馥由中發容蠲是本來對斯堪品
賞濃豔豈凡材

不寐

不寐却緣心未靜將心尋靜在無思近來學
得安心法心自管心不外馳

七月十五日

閏逢夷則添佳景今月今朝足半年桐葉知

時纔落一

立十四日

荷花倚水正開千昨過七

夕星雙度待賞中秋月兩圓

聖壽遙同天壽合春秋增益慶綿

三前歲閏月今

年閏七月此多益春秋悠久綿長之象也

閱呂文穆聞朝士毀言佯為不知事偶

書

翩々叅政詣朝堂惡語飛來到耳旁同列猶
深睡眊眊意當躬獨抱海涵腸豈無斧鉞堪圖

報不究姓名儼若忘具此休容寬大度微時

不足更何妨

趙普剛毅果斷然多忌刻屢以微時所不足者為言

宋臣張齊賢

張公真不愧齊賢文士材兼武備全若是當年專將相邠愁西夏及幽燕最取張公論御邊外安須自內安先欲求境域長無擾邊吏得人自萬全

雨後

連日甘霖豈覺賒陰、庭砌翠苔遮多情欲
拂風前柳、窠愛新開雨後花、林木叢中看舞
鶴、池塘深處聽鳴蛙、今年暘雨真調適、三十
六番幸不差

次東坡梵天寺和僧守詮韻

寂寞空山裡、煙樹環古寺、門外樵牧人、蓑笠
著草屨、少焉日色西、牛羊各下去

新栽拒霜花、用東坡和陳述古拒霜花

韻

墻間濕土色猶黃
新種芙蓉逗晚芳
霜雪滇中從古少
拒霜況復更宜霜

夜雨二首

星自明々天自雨
銀漢底畔水飛舞
陰晴自有天主宰
人倦欲眠且閉戶
窗前寐々已無雨
遙聞鶴鳴知翅舞
腹搖鼻息夢栩栩
少焉日出又啓戶

睡醒

睡足醒來不喜眠，猶如行路欲休然。
行勞睡逸均難極，惟有中平適得天。

新糊居室

高閣初糊色似銀，明窗粉壁宛如新。
最宜素月當樓照，惟有清風入戶勻。
本色從來堪領略，安廬豈事好鋪陳。
瓶中一二花枝秀，贏得滇南四季春。

次石蘭老人舟行韻

竹翠嬋娟倚碧梧，扁舟一棹際秋初。
無邊風雨憑誰取，半醉吟詩淡墨書。

次石蘭老人詠旭日韻

諸色誰如日，色豔金碧輝煌照面。
欲窺羲輪方命駕，須向蓬萊島中見。

夜聞促織鳴

豈同蝙蝠晦為明，入夜因何不住聲。
轉瞬西

風吹冷至萬家砧杵最關情

閏七月朔日

一歲光陰大半過尚餘六月莫蹉跎小山欲
發叢生桂碧沼還開未老荷再慙星橋迎織
女添推日馭待羲和年來事業慚遲鈍補拙
須勤喜日多

小池

碧沼縈迴接地平天然結構自圓明池塘已

寓江湖勢咫尺長懷遠大情綠藻紅鱗相掩
暎春風秋月共澄清觀于海者難為水大海
還從涓滴生

新月

雨過新沐碧天秋新月哉生似玉鉤待得團
圓如鏡滿還須載酒一登樓

閏月七夕

七夕從來是巧期兩逢七夕巧尤奇雙星赴

會重相見烏鵲填橋再整儀
密語猶如前日
事述懷那似隔年離夜來半壁新明月又照
家乞願私

次韻學使曹定軒游寶珠山宿能仁寺
何處堪遊玩寺在山之半山幽寺亦幽雲日
相輝煥門內佛龕古門外花木燦聞有千尺
雪飛鳴下巖畔高人來尋勝遊豈同汗漫夜
聽梵音起木魚聲似喚靜中悟妙理題詩不

待旦我却未身到景行徒仰贊

月

輕雲缺露玉輪鮮恰是荷殘桂放天彷彿昆
池浮水鏡碧波涌出夜珠圓

次韵曹定軒學使閏月中元

節號盂蘭古所聞試看城市鬧紛紛賣花頻
聽見童唱供佛寧因僧俗分兩度中元知暑
退適當白露未秋殷

本日常露節

白碧天點綴多佳

致巧翦輕羅一片雲

簾內月

竹簾篩月影，絲絲彷彿風吹水面時。
延取清光來室內，冰心何用外人知。

郊行二首

綠穀兩邊與馬齊，當中一道白沙隄。
輕鞭緩轡行穿野，遙望對山雲角低。
日融風暖催杭熟，久霽還須藉雨滋。
焉得當

宵甘澤沛階前響滴枕邊知

喜雨二首

望雨今朝喜雨霑坐聽雨點響垂檐
東不
斷紗窗外應似銅壺滴漏添
何時作樂賦中和隨筆閒吟短句歌
想見
盤
龍江水漲家々啓閨潤秋禾

題盛司馬慈烏返哺圖四首

觸物關情動性天那堪羣羽舞翩々
馬蹄踏

處歸途近落葉紛紛古戍前
滇南萬里速姑蘓鳩杖從何接鳳雛妙有丹
青傳畫意秋林傍晚看慈烏
幾重碧水幾重山一路丹楓引馬還待到梅
花開放日倚門含笑慰親顏
親年七十準陳情辭檄還如捧檄榮薄祿剩
餘資告養應知子孝荷
君成

別海山閣

補偏救弊閣重修

撫署舊有峻閣關係於省風水予於庚子年到任後

不忍聽其廢棄忽

到今成舊遊此日朝

天趨

北關他時回首憶南州
鴻留指爪痕難泯
閣對海山景獨幽
明月清風邀逸興
將來或擬庾公樓

別海山閣下花樹

桃杏雙雙閣下栽而今七載已成材莫因我
去惜顏色仍逐春光歲歲開
花不能言豈有知愛花人却欲留詩代為花
答題詩者君去勉如君住時

自滇南啓程北上適值大雨次日即晴

霽二首

佳時尚未近重陽風雨緣何若箇忙莫見霑
塗愁遠道留將膏澤潤文腸

是日正值鄉試場
期正諸士子抽

思行文
之時也

遠山漸吐舒晴色風霧旋開送旭陽此去朝
天多吉事情同攀得桂枝香

過楊林海子

一望澄波似鏡明小山橫斷碧流縈松排萬
樹含滋茂稻插千畦藉潤生時見羣鷗飛上
下還看玉鯉自游行爲臨古刹多幽趣水面
浮來磬數聲

中秋駐馬龍州行館作

三迤忽過七中秋不覺光陰荏苒流往歲賞

吟金碧月

金馬碧雞在昆明城外

今朝駐宿馬龍州開

窓對樹清機發倚檻臨池逸興稠薄暮風吹
雲漸散更深應見玉輪浮

八月十六日書寄月桂

月桂於二月間往應鄉試今予

蒙署理少司馬思內召

三場今日試期完未卜文章可、觀盼汝當

秋先奪幟喜予前月得遷官年々身倚
君門近日々眼看子舍安此即人間真樂事
莫將真樂等閒看

途次初霽

雨後道無塵天晴氣象新四圍山色見一片
稻香勾策馬寧愁滑揚鞭可自申年々勤送
遠今我亦行人

出平曩縣境

南彛自古最難平。縣號平彛舊有城。地界黔
滇分兩省。道通東北達神京。我來七載無佳
政。今別三巡有厚情。惟望諸君勤善後。撫彛
如子保羣生。

十七日對月

月影菊花兩々清。當秋對月照花明。今宵明
月人々見。湯動鄜州老杜情。
中秋過後月連明。引我詩情潑々生。此際蕭

條行館裡閒吟不覺到三更

酬和曹定軒學使贈別韻五首

我豈明良佐治才謬承

恩命到滇來今朝策馬揚鞭去喜近

天顏仰審裁

共事三年友誼深金蘭約契有同心臨行叨
贈佳詩句引我離情不自禁

昆明發軔悵雲天道路迢迢六七千好雨好

風隨處記中和樂職待時宣

多士知能盡屬良
沐君雅化更成章
今年大比收才雋
看赴庶鳴得意場
此別情知日不多
且將詩句當驪歌
春明期會重酌唱
二月風光正暢和

黔陽道中

一入黔陽界山多地少平
兩邊青嶂立覲面
翠屏橫上下如梯轉盤旋
似帶縈我曾經蜀

道此更較難行

霧雨

細雨洒古道濃霧遮蠻天終日行山裏山中
不見山四顧無所有一望沒峰巒元豹尚知
隱客行何獨前

庚戌橋

鄂西林相國總
制滇黔時所建

庚戌年曾建此橋額題庚戌淺深雕西林姓
字逢人識南國功勞與世遙用涉大川垂久

道寧同小惠濟崇朝我今丙午來過此吟句
重將舊業標

白沙地

前歲來時雪今年到此雨雨雪何多情來往
適相侮所希
天仁愛明朝紅日吐

老鷹崖

聞說峯高雁欲歸此峰尚有老鷹飛山頭立

馬頻舒眼無限烟雲遶翠微
老鷹嗔是最高巔恰值泥塗接道連前路峰
巒猶歷々急須放出蔚藍天

花都田

花都自有田此地却空傳四面環青嶂中間
露碧天秋深邨稻熟日暮旅燈然早駐渾無
事閒將筆墨研

留別汪又新方伯

風流儒雅仰翩翩又新先

諫曾以戶科給事中出使一自鴻飛余為給

閩省余奉命權其事空憑鴈字寄遙天而今得見真嘉會那識相

逢是別筵甲秀樓前重話舊貴陽府城南有

潭銜杯且看菊花鮮

北上途中喜晴

朝來放出蔚藍天雨歇行程便是仙步青

雲瞻

日近班生那得一人專

西林渡

青山盡處水潺湲渡過西林又極巔行客豈

愁登涉苦舟人早駕送迎船整新兩省均經

費拆舊五年著例編西林渡為鄂文端相公

別歸西林即以名之渡船制滇黔時所置鄧公

在滇黔而省經費內各半均出著為成例經費

久不至廢弛無藉問津方可渡西林遺愛堂

今傳

犀牛灘

灘在鎮寧州地方從山崖瀑布直下千仞

未識犀牛何處去空留灘水響如雷千條雪浪依巖下萬點珠絲著地堆晴霽還同風雨至奔騰儼有鬼神催奇觀不欲輕容過吸水烹茶當酒壘

滇黔途中觀秋穫

節遲曉未霜禾稼已登場野刈黃雲卷家春玉粒香水田容鶩鴨穀梗飽牛羊宛是華胥

世休將
帝力忘

安順府

山開地漸平安順古嚴城太守風羣吏軍門
握重兵駐安順為提督處雲晴依堞曉稻刈喜秋
成種類民苗別同深化洽情

過安順保軍門署席間留別

軍門情誼致閣々
盃酒笙歌送遠人話別三

年如昨日居官兩省却同寅我旋馬首朝
宮關君訓兵彊動鬼神幕外秋風吹颯々飲
歡不覺暖生春

過大水橋

橋在安順府境內

突忽見青龍潺湲碧漲溶繞田飛白鷺夾岼
拔長松激石聲鳴筑臨流水滌胸偶來橋上
過逸興引重々

贈陳伯思學使同年

節序菊花天黔陽取道旋遙天逢好友異地
遇同年教化薰多士文章繼昔賢春明重把
晤桃李正娟々

雪厓洞

洞口無飛雪陰々別有天亭臺分兩界色相
鑒千禪探穴知非遠窮幽却易穿南明環碧
水

貴陽城外之河名南明繞流雪厓洞前

相暎會成仙

山中夜行二首

燈火峰頭幾點明
光同林外遠星爭
何如素魄當空照
人在山中踏玉行
黔中日月作山行
況復宵來藉火明
屈指便離山路險
平々王道引前程

九月朔日

朔日匆匆十次過
九秋景物尚融和
林間正放爭攀桂
田畔猶留未刈禾
謾把秦正相錯認
須將歲紀細尋摩

本年閏七月

今朝月額逢膏

雨水態山容碧似螺

重過飛雲洞

前年過此雪初晴今日重來雨意繁不是雲
飛凌碧漢馬能澤沛潤蒼生危峰曲磴添新
翠泉韻松風調古箏駐馬間遊尋勝蹟玉山
佳處看題名

洞內題
詠甚多

施秉道中二首

兩岍青山夾碧流山留水去各悠悠此中自

有無邊趣況是新晴對菊秋

揚帆順駛得西風馬逐清流亦向東今日我
看如駛快來朝我亦在舟中

次日至鎮遠
即應登舟

鎮遠行館

旅館臨宮壁

行館在學
宮之旁

書聲遠耳邊蠻邦文

物盛荒徼化行宜雉堞依山壘舟橈得水邊
今朝容小駐破曉即開船

贈天柱兼署鎮遠吳明府

天柱稱能吏，兼饒鎮遠才。況茲風化被，俱自學文來。

吳令由教職保
蔣堪膺民社

善政勤民隱，賢聲動

上台我。今方一過，便覺治優哉。

秋日自鎮遠登舟，用尹元長相國江行

即事韻四首

扁舟一葉泛西風，林葉青蔥尚未紅。碧水潺

潺明似鏡，無邊情態亂流中。

別陸登舟，氣象新勝於目。冒紅塵，眼前山

水多佳趣暫作清涼世界人
節近重陽景物殊龍山盛會恐今無登高變
作臨流事秋景蕭亭入畫圖
晚來波面水風涼日影輕帆色淡黃古戍樓
頭聊泊岸平明解纜趁朝陽

泊舟即事

日落泊舟橫
檐帷倚岸撐
荒邨多逸致
急瀨帶風聲
漁火參差見
檣燈遠近明
賴多山水

趨客坐有餘情

小舟

小艇可容居安身即我廬療飢三頓飯解悶
幾篇書風順行彌快窓開意更舒切無嫌逼
仄寬適勝于車

重陽前二日舟中

日落停橈古渡頭上弦新月已成鉤林間皎
潔光如玉水面縈迴碧似油何待題糕逢令

節且憑搜句慰宵愁坐看水月心清遠似在
蓬壺第幾洲

舟行出黔境

一入湘南境風光異玉屏

玉屏乃黔中與溪
楚南接界首縣

深流水緩岬闊送舟寧却落多間致山嵐失
怪形輕橈經過處竹樹繞郵亭

舟中九日用尹元長相國重陽日偕裴
少司農錢璵沙掌科同游攝山

韻四首

扁舟送我過重陽，差比登高趣味強。
何事離邊尋菊藥，吹來陣陣岸花香。

緬想風流動，往情浮雲落日客。
心驚殷勤莫

負相期意

元長科度子之年伯也且曾追隨

其門下平日最勉之意俱甚殷

事業從來屬後成

水送舟飛路不遲，況當漲甚九秋時。
攝山景

物原堪詠，引我臨流亦賦詩。

詩乃有聲之盡圖事過詩在正堪摹莫將好
景輕容去一付東流任有無

讀白香山詩偶題

香山與我是同鄉我讀其詩口頰香前輩風
流寧易繼後來景仰正無疆白非獺祭多真
趣文到天成有別長更喜幾篇新樂府得蒙
賜和到吾

皇

今香山新樂府五十篇
上俱賜有和章

舟行

順水舟逢靚面風迎頭舟藉順風通往來一
半能如意即此真堪悟大公

舟中對月

水濶山開月色明夜深人靜一舟橫推牕不
語徘徊久月上身來若有情

舟中即事

舟中坐看水中天水色天光上下連笑泛澄

波明鏡裏恍遊碧漢紫霄邊即今鼓棹經三
楚憶昨趨

朝忽四年畫舫終朝無所事閒吟叢桂小山篇

舟中禱風

日落蒼波晚舟人苦逆風往來原各異緩急
却難同望

關殷朝北吹颼莫自東倘蒙風轉順稽首謝
天公

月夜舟行

輕橈迎月下，皓魄遶舟來。
玉練緣風縐，銀花著水開。
清光同上下，帆影任徘徊。
更喜濤聲息，中流穩坐哉。

過清浪灘謁馬伏波廟

舟過青浪泊，凌晨踏石登。
山謁廟寅繞，砌烟波堪入。
画暎階花草，自含春。柵房不入雲臺選，聚米洵宜擇木人。
爭奈五陵蠻，未下空勞。

嬰鑠老忠臣

九月十五日舟行對月四首

菊黃時節兩山楓舟泛澄波皓月中放眼無
遮如白晝清幽趣味却難同

為酬逸興一杯茶月落盃中暎蘗芽對此賞
心真樂事何須載酒聽歌譁

靳惜中秋放月圓

今年中秋日無月

欲留今夜闢新

鮮清光上下相爭賽真個人間別有天

月光照水，浮舟人似玻璃鏡裏游。欲使丹青圖畫取，淺深著色可能不。

秋日路過武陵俞軍門見招席間出前
歲千叟宴上

御賜詩章恭閱敬依元韻即席賦贈
楓菊丹黃景物妍，張燈歌舞對華筵。相逢雅度遲今日，渴慕賢聲已十年。愧我才華非博洽，祝君福壽益綿延。天緣不負平生願，傾蓋

邀歡喜比肩

遊俞軍門補勝園林

由來勝事留人補修葺園林豈偶然壘石疏

泉山水妙種蘭植桂子孫賢園中桂樹花後

後復舍色名曰蘭孫梨花一樹先春放園中

若榴之有稱孫也菊藥千頭應節妍澗道將軍不好武能

文能武喜兼全

月夜舟行二首

萬里無雲水不波溶溶月色影婆娑扁舟一
泛蒼江內人似瓊霄玉宇過

漱灩澦蟾光水面浮翩翩帆影月中游夜深不
睡推牕坐為數邨更又一籌

九月十七日自武陵進舟

迎舟和氣解朝涼旭日曛曛透小陽

本月初五
交十月

邨落濱河環草樹罽罽對岬比帆檣

沿河
居民

多節月
以邨落
生業罽

逢時竹笋尋船買出水江魚入饌

香兩片紅旌數聲鼓用白香揚帆指日達荆襄

渡荆江二首

連日扁舟路向東開帆忽見大江通煙波澹
蕩青天外雲樹參差夕照中下達漢陽支派
遠上承巫峽發源洪風微浪靜輕橈過感戴
神明切寸衷
一望天光接水光兩邊草樹辨微茫風平亦

有波紋卷岼濶誰量里數長浩氣真堪吞夢
澤清流原自接瀟湘欲知何處是沙市隱
浮圖帶夕陽

寄題潛江縣之紅雨亭即書贈陳邑令
高安我朝賢宰相初宰潛江德化行鳴琴而
治無他事築室栽花有餘情桃花紅豔紛如
雨手書顏曰紅雨亭自從一見桃花後志勤
悟道迷忽醒高安本是調元器植此豈欲效

禪僧桃花發時土膏動草木欣欣俱向榮更
得霏々及時雨小民便可趁春耕民之父母
實在此舍此豈徒尚政刑吾知高安亭畔坐
吾知高安亭畔行目對桃花心實在民生高
安至今已往矣空餘此亭久必傾八十年後
有賢者補壞修廢繼經營我今遠自滇南來
君在潛江道上迎袖出近日諸著作云欲要
我亦題名我非能文客我非好事人緣將高

安心跡為剖明望君事、勗勉步前程

舟中默禱

向言忠信涉波濤此念人應刻、操還禱
神靈垂福祐風平浪靜送輕艘

荊州十首用東坡原韻

荊江流滾、大地一長川北上猶宜馬南來
只藉船魚鱗潛水伏雁字碧天旋棹楫紛
渡戰艘破浪堅

渚宮云渺矣沙市至今存喧鬧遊人館淒涼
野草原帆橈排兩岼波浪擊前邨衝突多崩
處官應及早論

大德浩無邊那愁水旱連全施

恩澤普豈獨稅糧捐極次分民等展加動

帝憐荆南諸赤子竟不覺荒年

去歲荆州一帶歉收仰蒙

皇上特發庫帑倉糧數百萬大加賑卹並令
鄰省轉輸以資接濟今予經過其地民情熙
年之荒歉

皇帑倉糧數百萬大加賑卹並令

登城舒遠眺，卑濕淨塵沙。
草樹連吳楚，舟航下蜀巴。
曉風吹白練，落日燦紅霞。
生計窮民少，大都魚與鰕。

草市登舟處，帆高兩岼卑。
道紆盤壩緩，日暮放船遲。
歸路何須卜，前程豈問龜。
漁歌頻入耳，當聽竹枝詞。

沙市至草市中隔土壩須換船前進

重鎮建旌旄，旌旗兵志俊。
髦

天潢支派貴，元帥性情豪。
出野相迎遠，邀歡

不覺勞西風簾外起木葉盡蕭騷
勁卒分旗駐經營在昔時所須兵勇猛不貴
將安嬉點騎多良驥開弓識健兒笑他犀甲
手相逐水之涯

秋日魚龍夜無須火照犀楓林開錦繡江水
泛玻瓈渡浦藏金屋登樓望玉篴

劉郎浦明
月樓俱荆

州古

興懷思往事煩念暫容割

念彼陳觀察西川舊識人心思追往括

陳觀察所

至地方每將前人古迹為之表彰不使泯沒

政不負儒巾絲亂還

宜理民司未易馴羣方誰報最勉作廟廊珍

我到荊州日時當月小陽

時九月中旬已菊交立冬節氣

籬猶吐秀麥隴已含芒道路通秦豫煙波隔

沅湘計期離水次策馬覲

君王

一到襄陽即當舍舟登陸矣

襄陽十詠

昔年獨有襄陽樂此樂而今到處同不是使

君皆道產魏之蕩

一人功

人之盡道峴山碑聞望風流不可追若假碑

能傳久遠去思德政毀何為外省大小官員

建立去思德政碑以表在任功德相沿成

方城舊蹟未曾湮漢水長流不斷春憑險可

為長勝策懷王何以久拘秦

一出茅廬便立功廟堂未可小隆中若非雅

度來三顧恐學鹿門龐德公

安危全仗出羣材日夕因何倒載回欲學高

陽圖自了早當請易鄉生來

鷹飛豈肯聽人呼空築高臺費力需此日經

過頻悵望惟嗟鷹去更臺無

解佩風流鄭客專當時艷說遇神仙誰知男

女私相授佳話徒留汗簡編

不見昭明舊日樓六朝辭藻至今留漫將小

枝輕文字萬丈光芒久不休
自古監碑非美事沈碑事跡更荒唐前賢昔
聖留名遠豈藉碑銘與世長
春陵鬱鬱氣蔥蔥
早日光輝已不同此去南
陽瞻廟貌冕旒猶是未央宮

舟近襄陽作

棹楫將周月秋深菊豔時
川流山不動舟過
樹疑隨帆落知風息雲濃看雨垂
來朝登陸

處損別水之湄

公餘集卷九

十月初二日襄陽早

扁舟泛々蒹秋鮮月入小陽車馬遶南北風
情從此異雲山意態各生妍襄陽路與南陽
接河北煙同冀北連翹首京華歸咫尺祥光
多處

紫宸天

新野道上小寺適當官路時有老道人
住持其中洒掃布置頗覺閒雅余於
癸卯冬北上偶憩見壁間鮑舍人留
題將道人比之龐居士回道入云々
可知道人非邨愚也因步其韵題詩
一首今丙午冬北上復經其處寺內
塵土委積迴不如前道人業已物化
惟留蚩々一徒詢之茫無所知因而

有感

環堵自依然清佳不似前道人云化鶴童子
亦非仙几案堆塵垢窓櫺漸側偏可知天下
事興廢在人肩

疊癸卯南陽懷古韻

在昔躍龍鱗茲仍白水濱兩河初入界三楚
作比隣土是當時土人非昔日人相因千古
事往跡已陳

馬羣

冀馬販成羣飛騰逐起殷隊攢軍伍合騎列
雁行分辨色看霞彩開髥見綺文編欄長耀
日蹠躩若流雲自遠來千里求售豈一斤秋
風嘶大道一望氣氛氲

裕州東三十里地名板倒井相傳漢光
武帝曾憩息於此道渴思飲見一石
側立石下微有水痕扳倒其石即涌

出甘泉遂穿為井至今尚存其事雖
未見之史策想亦當時赤符諸休徵
之一也井之上首建有光武廟廟旁
有偏院一所克敬道人住持余於丙
午冬經過其處題此即以書贈克敬
道人

小院精廬古剎邊道人修鍊奉香煙
遍栽木樹環窓外饒有琴書置案前
井養于今畱惠

澤休徵當日
涌淵泉古來聖帝多靈感
洒掃庭除汝勉旃

北上途中口占

舟中風阻思登陸
陸路塵飛念水程
兩月風塵為我伴
數千水陸共人行
魚梁水落江沙靜
鴈字天空點畫明
屈指征途過大半
夢魂倍切繞神京
渡黃河

瞳矐旭日送朝晴無浪無風水面平兩岬煙
雲呈杳靄中流舟楫不停縈挽船近岸千鈞
重解纜開帆一葉輕還祝隄防資鞏固年々
上慰

聖人情

過湯陰岳武穆祠敬依

御製元韵

故里巍巍建有祠行人偶過敬瞻之詩詞雅

致留今日

石祠內有武穆石刻詩詞

征戰威風想昔時不

是金牌來急召何難大厦復全支出師既捷

身偏死更使英雄淚不期

入直隸磁州境作

馬蹄過豫省車迹達幽燕氣象

皇居近

杜白

風塵古道前磁罍無賈客蓮粉欲

售錢

磁州不見產有磁器市上賣藕粉者甚多

更喜臨官路潺

綠水鮮

過邯鄲呂翁祠

呂翁唐進士人說是神仙夢示盧生後祠存
淦水邊亭臺空日色草樹淪荒煙能使往來
客煩襟一滌蠲

道出臨洺關龍觀察自大名遠來迎謁
賦贈

四更起坐到天明為俟良朋遠道迎剪燭眼
看長燭短凝霜身覺重裘輕三年把別匆

事一旦相逢款款情此後春明時可會君留
客我趕前程

過正定隆興寺贈大光禪師

結廬何事定廬山寶刹輝煌接市闌大佛金
身多紫色老僧白髮尚朱顏心無憧擾身無
累地自喧闐意自閒暫息勞生茶一盞也同
幽僻叩禪關

明月店

玉鏡當空照流輝萬里清最關遊子意偏動
遠人情夜伴琴書息朝辭劍佩行郵亭多少
處明月舊題名

清風店

清風吹穆穆旅店客蕭蕭別去三年遠

余於癸卯

冬入覲後赴滇省經此處

歸來萬里遙形神仍復爾志氣

豈容銷便借扶搖勢從茲達九霄

途次遇吳蠡濤偕其夫人雙乘同行暫
留蠡濤郵亭敘談積愫即促之速去
賦此戲贈

黔陽別後春明晤到此匆匆已幾年總有封
函頻慰候豈同傾蓋暫周旋忽逢兩乘相輝
彩知是雙鴛共比肩少坐促君便去莫遲
來日畫眉天

十月十七日途中遇雪

好雪知時節霏恰屆期是日交霽勻塵氣
盤潤入麥苗滋啓篋尋裘換圍鑪向火宜豐
年堪預兆喜氣動
丹墀

次日又大雪

凌晨冒雪行遍地色分明倚樹飛花白臨風
舞絮輕撒鹽渾有象綴玉却無聲片片緣衣
積紛紛向馬迎旋看深及尺又見遠前程目

擊知非列書章慰

上情

過涿州萬國梯航橋

涿鹿橋連日道黃信哉萬國總梯航
東南朔均歸極河漢江淮是巨梁
但見四時長利沙漫云兩月不褰裳
無須題柱誇才富車馬深恩久未忘

過盧溝曉月

長虹一道架盧溝
曉月朦朧照上頭
曙色微微纔可辨
雞聲隱隱遠相酬
衣冠從此朝雙闕
車馬于焉下九州
癸卯年曾經此處
匆匆歲月忽三周

十月三十日雪

往歲滇南梅似雪
今朝冀北雪如梅
梅花片片隨風去
雪蘂霏霏入地來
已見土膏含潤澤
應知春麥得栽培

君王正駐齋宮日

上因長至致祭南郊宿齋宮

茂對嘉祥

意懌哉

長至日

南郊陪祀

長至欣逢雪後天

園丘展禮

聖心虔玉塵隔仗寒光澈燔火升壇煖氣宣
樂奏咸韶音節雅班齊鷄鷩職官全

古稀天子猶親祀即此深知
帝力堅

十一月十四日

御門恭紀

乾清月曉度疎鐘

鳳展臨門值仲冬事奏部臣依次序

六部依
次上階

奏事

旨頒學士自從容

內閣學士跪
大學士在旁承

奏折

本旨

旋

公餘集

卷九

九

看瑞日紫

三殿豈有嚴寒入

九重萬里歸來瞻典禮

余初自滇南來京

天顏喜接感

恩濃

壽劉松庵

銓曹共事憶從前邂逅西秦忽幾年此日京華來供職恰逢壽域正開筵精神嶽峙還如

舊談論風飛豈遜先弟欲壽兄無別語稱觴
致祝福綿々

早朝日引

見官負

欲曉蟾光印禁城趨朝仰看斗參橫

龍鑪裊々香煙起

鳳闕曈々旭日生引

見新官同凜肅帶班舊例最分明出身履歷

聽陳奏籛簡高低各異聲

登崇文安定城樓收驗工程

兩陟高樓遶檻迴蔥鬱氣佳哉崇文觀
化天心順安定攸常地德該瑞氣看從南極
下祥光擁自北辰來況當奉
勅新修後接棟連甍上選材

十二月初五日

陞殿受謝敬賦

陞殿謝

恩向例然嘉平五日集班聯鳴鞭響徹
丹墀上丈馬分排鹵簿前樂奏中和音節雅
德隆位育典儀宣
上方賜出茶溫美捧飲周身似益綿

臘月十一日

養心殿待候引

見官負遇雪

瑞雪清瑩潔裏光飛來點點著鵲行人盡
把衣襟拂試問何人是謝莊

臘月十七日立春

朝來玉律傳佳節雪後晴和日月光
臘已立春時令早年剛逢閏歲華長
本年閏七月尚遲柳葉舒新翠且喜梅花送暗香
同此春風蒙

渥眷

關庭披拂勝蠻鄉

連歲俱在邊徼逢春今得
開庭風光大勝於往

年矣

立春後三日雪

冬雪霏霏已見三交春以後澤尤覃欣看五

出飛燕北那憶雙梅在詔南

去歲今日在滇南黑龍潭看梅

花玉積西山清且潔麴無人海潤而甘麥苗

得此生機滿佇待荒々秀實含

和張十八新拜內閣學士原韻即以奉

贈

綸閣陰々靜啓扉地居紫禁到人稀忽傳學士承

新命爭羨君家煥舊暉
染翰還窺池上鳳尋芳應識省中薇
由來積善多餘慶那讓韋平擅獨徽

臘月廿八日朝班遇雪

歲事將闌候紛々瑞雪飛樓臺增玉色
殿角耀珠輝辨徑尋人蹟
褰裳每自暉徘徊

丹陛下素彩暎朱緋